



OBIJ EO AN DIRECTOR

Kate Brown, Governor

Oregon
Health
Authority

500 Summer St NE E20

Salem OR 97301

Ainikien Kenono: 503-947-2340

Fax: 503-947-2341

Kōjellā

Ñan: Ro mōttan jikin kejbarok kin Ejmour im Ejmourin Armij in Lobelej

Jen: Maroñ kin Ejmour eo an Oregon

Raan: Jānwōde 5, 2021

Men eo jej kenono kake: Melele kāāl kin Kōlaajrak Alen 1a an COVID-19

Kim ej lewaj melele kāāl ñan [Plan in Kōlaajrak Wā ilo Alen 1a eo an Oregon](#) emōj kaajeeded ilo Tijemba 18, 2020. Plan in Alen 1a eo an Oregon ej loor ak elablok joñan ko jen rōjañ ko an Kamiti eo Ej Rōjañ kin Wāween Wā (ACIP) ñan ajej in wā eo an COVID-19 ilo ien eo jinointata. Katmāne eo kein kajuon kin Plan eo ear ñan kōlaajrak ien an ajej im lelok wā ñan kōmelim lōmnaki men ko ikijen ial im lale kalijeklok, kajojo armij, jikin, im wāween makūtkūt ko rej lelok lablok in joñan uwōta ñan bōk ak kaajeeded kij eo ak ro rej eñjaak jemlok ko rekauwōtata ilo aer ejmour jen kij in nañinmij eo.

Ilo ad bed imaantata kallimur eo ad ikijen ejellok kalijeklok ilo ad lōmnak kin abañ ko ikijen kōmadmōd emakūt in wā eo an COVID-19, **kim ej jāniji kōtōbar eo amim ñan juon eo im kōlaajrak in wā eo an Alen 1a ekkar mennin aikuj, ñan kōmelim an jabdewōt armij ekoba ilo Alen 1a, Kumi 1-4 ñan watōke emaroñ tōbrak ñan bōk wā eo ilo ien in. Jikin ko rej lelok jibañ im jikin wā ko ren wā ilo juon wāween ej lelok labtata in tokjen jermal ñan kōlab joñan wā ko rej lelok, bōtab ñan joñan eo remaroñ jikin ko ren loor kōlaajrak eo emōj kalikar ilo Plan eo.**

Ñan joñan kōlablok jermal ko ñan wā, OHA ej kōjermal kein jermal ko ewōr im rej bed ñan kōmadmōd wā ko jet, einwōt aujbitōl ko, kein ejmour ko, obji ko an EMS im maroñ kin ejmourin armij in lobelej ilo bukōn ko. OHA ej rōjañ ro rej koba ilo aer bōklok wā ko bwe ren wōnmaanlok in karejar ibben doon ñan lelok wā ñan kajojo armij ro ilo Alen 1a.

Būrokraam in koba ilo jikin uno eo an federal enaj wōnmaanlok in jibañ jikin ko rej lelok kejbarok iomwin ien aitok im jikin kejbarok ko armij rej jokwe ibben doon iloan kumi ko ilo Alen 1a. Ritel ro an state rej emakūt im etale laajrakin etan jikin ko rej bōk kwōnaer ilo būrokraam in wā eo an federal. State eo ej jermal wōt ñan an maroñ bōk melele kin wāween jibañ ro rej lelok wā ñan ro rejab maroñ tōbrak ak rar jab register ñan būrokraam eo. State eo enaj kejbarok juon laajrakin etan jikin kejbarok ko armij rej jokwe ibben doon (einwōt mōko an foster an rūtto, rūtto ro ewōr aer utamwe, rūtto ro rej eñjake jorren kin ejmour in mwil, im armij ro ewōr aer utamwe in katak ak eddek, im bareinwōt imōn kejbarok ko an kumi in armij ñan armij ro ewōr aer utamwe in katak im eddek im mōko im jikin kōmadmōd armij ro rej jokwe im ewōr aer abañ ikijen ejmour in mwil) im rej aikuj jibañ ikijen wā ñan karejar ibben wāween ko

an state ñan jikin kein.

Ñan kajojo armij ro rejab kobalok ilo jikin kejbarok ko ewōr armij rej jokwe ibben doon ilo Alen 1a ak ilo juon aujbitōl, ak kein ejmour elab ak jikin jermal, OHA im ro mōttan ilo bukōn eo rej niknik in jermal ñan kadedelok im lelok melele kin ekāālel kin jikin wā ko remaroñ etal ñani. Mennin ekāālel kein renaj kwalok ilo ien eo enaj wōr elōñlok tibdik ko. Elañe, ilo ien in ikōtaan, juon Maroñ kin Ejmourin Armij in Lobelej ilo bukōn im/ak ro mōttan enaj bwe joñan wā im kein jibañ ko ñan wōnmaanlok wā rijermal ro an im armij ro rej jokwe ilo jikin kejbarok ko ewōr armij rej jokwe ie im **ejañin mōj kadeloñ etaer** ilo būrokraam in kobalok ibben jikin uno eo an federal, LPHA eo im/ak ro mōttan remaroñ wōnmaanlok kin wā ko.

Jenolok jen oktak eo ilo Alen 1a, ajej ko ñan jikin wā ko remaroñ oktak jen ajej ko jinointata ñe rej kadeloñ etan bar jikin wā ko. OHA enaj jermal ñan loloorjak ke ajej in wā ko renaj jibañ madmōd in wā ko ilo jukjukinbed ko rej loor kōlaajak in Kumi 1-4 ñan joñan eo remaroñ.

OHA enaj kaajeeded melele ko relablok ikijen wā eo an COVID-19 mokta jen Bōlaide, Jānwōde 8 ikijen ajej im lelok wā eo ilo Alen 1a. OHA enaj kaajeeded melele kāāl ilo ien eo kajojo armij ro koba ibben ro rekoba ilo Kumi ko 1 ñan 4 ilo Alen 1a remaroñ tōbrak in bōke wā eo.

Ñe elōñ am kajitōk ikijen wā ko an COVID-19, jouj im jilkinlok kajitōk ko am ñan juon ian laajak ilal ko bwe OHA en maroñ jibañ.

Melele ekkā kin wā eo an COVID-19: Covid19.vaccine@dhsosha.state.or.us

Kadeloñ etan jikin eo enaj lelok wā eo an COVID-19: Vaccine.ProviderEnroll@dhsosha.state.or.us

Kamiti in Rōjañ kin Wā eo an COVID-19: Covid.vaccineadvisory@dhsosha.state.or.us

Kwōmaroñ bar loe kein jibañ ko ilo Website eo an OHA kin Wā eo an COVID-19: <http://healthoregon.org/covidvaccine>